



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessionale,|| In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

XXVII. V. det ratihabitio Sacerdoti facultatem absoluendi.

urn:nbn:de:hbz:466:1-30362

Dātne ratihabitio Sacerdoti facultatem absoluendi?

Quæstio

XXVII.

DVplex est ratihabitio, vna de futuro; quando videlicet Episcopus postea cognoscit sufficientiam alicuius, & ratum habet, quod fecit; Verbi gratia: Ego non sum expositus ab Episcopo, vt audiam Confessiones; credo tamen, quod, si accederem eñi, & hoc nomine compellarem, potestatem illam audiendi Confessiones, mihi non negaret. Hæc ratihabitio non sufficit, quia essentia Sacramenti non pendet ex aliquo futuro; ac proinde ratihabitio non potest validum, aut inualidum facere Sacramentum.

Alia est ratihabitio de præsenti, putà, quia Episcopus de præsenti vult, vt audiam; licet mihi nihil dixerit; sed ego scio eius voluntatem, & hæc ratihabitio, dicunt aliqui, quod sufficit; quia Episcopus cōmittit vicem suā per voluntatem.

Ego nescio, an hoc sit; nam quamuis Iudex Ecclesiasticus liberè exerceat suā iurisdictionē, tamen quia hæc potestas est in foro Ecclesiastico, videtur quod non possit exercere illā iurisdictionem, nisi actu exteriori; sicut non posset Episcopus actu interiori excommunicare, vel absoluere, vt tenet probabilior, & verior opinio. Si ergo hoc verum est (vt ego credo) sequitur, quod per solam complacentiam Episcopus non potest communica-

L 6 re suam

Caput VI. De Ministro

re suam potestatem, cùm hoc sit uti iurisdictione.

Nulla igitur ratihabitio sufficit, tametsi videat & taceat Parochus aut Episcopus, ut integrum sit simplici Sacerdoti, aut Confessiones audire, aut absoluere: sed requiritur expressus Superioris cōsensus, cùm alteri sententiæ neq; ratio neq; vis, neq; (quod sciam) laudabilis vlla suffragetur Ecclesiastica consuetudo.

*Quæstio Posuntne habentes potestatem eligen-
di Confessarium, legitimè quibus-
libet confiteri?*

Respoſio. Tales eligere possunt, quoscumque volunt Confessarios; quia ad Absolutionē tantum duo requiruntur, Videlicet, Potestas ordinis, & Iurisdictionis, cùmq; Potestatem ordinis quilibet Sacerdos habeat, potestatem Iurisdictionis tum is ipse concedit, qui concessit priuilegium; & sic poenitentes nō eligunt eum, qui est Confessarius, sed per electionem propriam, si antea non erat, faciunt Confessarium; sicut cùm eligitur Episcopus, non eligitur ille, qui erat Episcopus, sed qui non erat, eligitur in Episcopum.

Ratio huius manifesta est, quia in hoc solo differt Sacerdos habens iurisdictionem à non habente, quod ille habet materiam, hic autem non; & huic nihil aliud deficit ad hoc ut possit absoluere, nisi materia circa quam exerceat